

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Broj: T04 0 KT 0062539 25  
Zenica, 02.04.2025. godine

OPĆINSKOM SUDU U ZAVIDOVIĆIMA  
-Sudiji za prethodno saslušanje-  
ZAVIDOVIĆI

Na osnovu člana 45. stav 2. tačke i) u vezi sa članom 241. Zakona o krivičnom postupku F BiH, p o d i ž e m

**OPTUŽNICU**

Protiv:

**J.M.**, neosuđivan

*Što je,*

1. Dana 12.02.2025. godine oko 21,00 sati, u mjestu B., izazvao opasnost za život ljudi eksplozijom, na način da je iznad svoje kuće iznio ručnu bombu M 93, istu aktivirao i bacio prema rubnom dijelu livade nedaleko od svoje kuće, iako je bio svjestan da je na taj način doveo u opasnost život ljudi, što je i htio, te je ista eksplodirala u naselju B. i u neposrednoj blizini puta koji koriste lica naselja B.,
2. Dana 12.02.2025. godine oko 21,00 sati, u mjestu B., suprotno odredbama člana 6. b) stav 1. tačka a-1) Zakona o nabavljanju, držanju i nošenju oružja i municije („Sl. novine Zeničko-dobojskog kantona“ br. 9/13), neovlašćeno u svojoj kući držao eksplozivne materije-ručnu bombu M 93, kompletiranu sa upaljačem za ručnu bombu M 75, iako je znao da nabavka i držanje eksplozivnih materija građanima uopće nije dozvoljena, te je ista oduzeta,

čime je pod tačkom 1. počinio krivično djelo Izazivanje opće opasnosti iz člana 323. stav 1. KZ F BiH, a pod tačkom 2. krivično djelo Nedozvoljeno držanje oružja ili eksplozivnih materija iz člana 371. stav 1. KZ FBiH.